

לְאֵלֵינוּ
עֲדָה

I. H.

OSSA REG
COMB

AMOS.

E CINERIBVS QVODAMM

P R A E S

VIRO MAXIME

DN. IOANNE C
HEBENST

SS. THEOL. LICENTIA

PROF. PVB

FAVTORE ET PRAECEPT

P R O S E Q

QVID DE IIS SIBI VIDEA

DISPUTATION

IN AUDITORIO TI

DIE XX. FEBRVAR. MD

COMMVN

OTTO NATHAN

COESELENS

SS. THEOI

LIPS

LITERIS IOAN. CHRIST

עצמה מלך
שרפה

I. E.

EGIS EDOM
MBVSTA

MOS. II, 1.

ODAMMODO EXCITABIT ET
AESIDE

XIME REVERENDO

IE CHRISTIANO
NSTREITIO

NTIATO ET LINGVAE S.
OF. PVBL. ORD.

RECEPTORE FILIALI CVLTV
D SEQVENDO

VIDEATUR CVM ERVDITIS
ATIONE PVBLICA

RIO THEOL. PAVLINO

R. MDCCXXXIII. HABENDA
MMVNICABIT

HANAEL NICOLAI

ESELENSIS MISN.

THEOL. STVD.

LIP S IAE

CHRISTIANI LANGENHEMII

1585

43

33

re



Q. D. B. V.

§. I.



Inter plurimas variasque causas, quae *Facta plurima in sacro codice obiter et incidenter allegantur.* scripturam in rebus historicis, aliisque, ad fidem et mores non pertinentibus, (in hisce enim quam maxime est perspicua,) intellectum difficiliorem reddunt, non dubium est, quin recte referatur, quod in ea passim quaedam citantur gesta, quorum tamen nulla in eadem vberior mentio inuenitur. Exem-

plo sit citata ab Hosea Salmani contra crudelissime dea-
statam ab eo domum Arbeel pugna c. X, 14; commemora-
tum item Iudae v. 9. Diaboli cum Michael Archangelo de
corpore Moſis certamen; ipse Moſes in promulgatione le-
gis Sinaitica εντρομος γεγόμενος Act. VII, 32, de quo tamen
scripta Moſaica ſilent; Iannis et Iambris Moſi in Pharaonis
aula reſiſtentium audacia, 2. Tim. III, 8, terrae motus, Amos
I, 1. Damascenorum in Gileaditas ſacuitia I. c. v. 3. aliaque
eiusmodi complura.

§. II.

*Huc pertinent
ossa regis Edo-
mi a Moabo
combusta.*

§. II. Hisce accenferi debet locus, quo Moabitis combustionem ossium regis Edom grauitur exprobrat summisque vindicandam suppliciis minatur Amos; cuius sensum non satis patere sicut interpretum dissensus satis ostendit, ita potiore obscuritatis causam ex eo, quem modo allegauimus, fonte accersendam esse, quilibet facile largietur. Nempe eundem propter historiae breuissimam et veluti obiter saltem iniectam mentionem pleniorisque commemorationis, quam in codice S. frustra quaeras, defectum aliquanto difficiliorem esse, lectoresque tenere incertos, quis est, qui non videat? Atque hoc est, quod quaedam de eodem pro viribus impraesentiarum disserendi animum fecit. Verba Prophetae Cap. II. r. haec sunt:

כֹּה אָמַר יְהוָה עַל־שִׁלְשָׁה בָּשָׁעֵי מוֹאָב וְעַל־אַרְבַּעָה
לֹא אֶשְׁיֹבֵנוּ עַל־שָׂרָפָו עֲצֻמֹּת מֶלֶךְ־אֲדוֹם לְשִׁירָה:

Versio Luth. Germanica.

So spricht der HERR, um drey und vier Sa-
ster willen Moab will ich ihr nicht schonen, dar-
um, daß sie die Gebeine des Königs zu Edom ha-
ben zu Aschen verbrannt.

*Recentiorum
interpretum
dissensus, lo-
cum 2. Reg. III.
indicari affir-
mantium.*

§. III. De hisce Amosi verbis asserere audemus, illa nullibi locorum in sacris oraculis legi, et ni auctoritate huius Prophetae istud Moabi facinus ad nos peruenisset, perpetuo posteritati ignoratum fuisse. Equidem optimos felicesque Bibliorum interpretes dissentire, nos non fugit. Plerique enim ad locum 2. Reg. III, 27. confugiant, cum quo collineare effatum Amosi perhibent. Proelium, vti historia ibidem docet, committebant coniunctim reges Israël et Iudae et Edom, cum rege Moabitarum Mesa, qui deuictus et pro-
fuga-

fligatus in oppidi sui moenia se recipiebat, praesidium ibi fractis viribus quaerens, ex quibus in castra hostium cum 700. manu strenuis erumpens, filium regis Edom cepisse, ab huius sententiae propugnatoribus dicitur, cumque a tribus hisce regibus obsessus, ad extremam redigeretur desperationem, regiam illam prolem mactasse, Diis suis immolasse, et in conspectu patris omnisque exercitus urbem obsidentis cum ossibus concremassé fertur. Ita statuit R. D. Kimchi Comment. ad h. l. (*) quem deinde secuti videntur Clarius, Arias, Munsterus, quos vid. in Criticorum sacrorum Tom. III. et ex recentioribus imprimis Cocceius, et qui eum allegat sequiturque, celeberrimus Ioh. Marckius in Exercit. Exeget. in L. loca V. et N. Test. Exercit. XXIII. §. 3. p. 402. Ante eos veteres plerique omnes, *et c.*, Hieronymus, Ruffinus alique, quos Casp. Sanctius ad hunc locum allegat Opp. T. II. p. 267. 268. filium regis Moabitarum ab ipso patre, Mesa, immolatum fuisse vno ore interpretantur. Causam dissensus praebet affixum Hebr. *i.* tum reciprocam tum relatiuam significationem, ob penuriam pronominum admittens, et tam *filium eius*, quam *filium suum* significans. Vbi obiter obseruo, alios apud Petrum Martyrem, allegante laudato Marckio l. c. p. 402. ita explicare, quod rex Edom filium Moabi in eruptione ab hostibus facta ceperit, et eum in muro urbis obsessae, quem ab extra conscenderit, in conspectu incolarum necarit, quod tamen durius et improbabile.

§. IV. In hoc igitur doctissimorum hominum diuortio quorsum te vertas? stante hinc peritissimi Iudaei, quem litterarum hebraicarum gnari magni facere solent, auctoritate, et tantorum virorum, qui eum sequuntur, suffragio;

Quod non videtur.

A 3

il-

(*) Verba Kimchii sunt: *הוא זה שנאמר בספר חלבים וקח את בנו וזו*
Hoc idem est, quod dicitur in Libro regum: et sumsit filium eius etc.
 Et ante eum Aben-Esra h. l. ait: *יש אומרים על דבר ויטלו עליו ויחזקו כן*
Sunt, qui dicunt, hisce verbis respici ad locum
2. Reg. 3. et obtulit eum in holocaustum, et postea eum combussit, vel, et tunc
eum combussit.

illinc longe vetustioribus nec infelicibus sacrorum oraculorum interpretibus dissenfum imperantibus? Vincant ergo rationes, quae an satis fonticae sint, ad secessionem a viris iam laudatis modestissime faciendam, penes aequum lectorem iudicium esto. Locum nempe Amosi non factum regis Mesae 2. Reg. III. sed recentioris cuiusdam respicere, tum patebit fortasse, cum et rationes, quae isti explicationi obsistunt, producentur; et dissentientium celeberrimorum, imprimis Marckii argumenta expenduntur, tum vero subducta ratione sententia feretur.

a) Quia Propheta, de rege Edom, historicus de filio regis loquitur.

§. V. Amosum ad historiam in Commentariis de rebus Regum traditam animum non intendisse, ex eo haud paulo plus quam probabile est, quia Propheta מלך-אדום regem Edomitarum a Moabitibus combustum fuisse, Historicus vero *filium regium*, siue Edomi in eruptione captum, siue Moabiticum ab ipso parricida Mesa iugulatum, hoc enim ad praesens negotium parum facit, refert. Excipiunt quidem dissentientes, hoc momentum tanti non esse, ut ob stare queat, quo minus inter duo illa loca optime conveniat. Nam filium regis, paulo post patrem ad plures euocatum, rerum summae praefuturum, a Propheta commodissime appellari potuisse regem, nullum esse dubium; accedere, quod criminis exaggerandi gratia, regem quam regium filium vates appellare maluisse haud incongrue videatur. Sed durius esse et ab usu, sacrarum certe literarum, remotius, regni haeredem regis nomine venire, ipsi vident credo, qui in isthoc parum tuto receptaculo causae adeo infirmæ praesidium quaerunt; neque etiam hic quaeritur, quid dici, et quomodocunque, accita in subsidium tropologia aliqua, in alium atque alium sensum deflecti possit, sed quid Amosum dicere voluisse probabile sit; neque denique, quid aliae linguae non respuant, siquidem in latina dictione istud non alienum esse ex eo largimur, quod Liuius I. Bruti filios cum Tarquinii superbi familia conspirantes, ad excitandam illis apud plebem inuidiam, cui regia potestate et nomine nihil magis exosum erat, de accipiendis in urbem

urbem *regibus*, collocutos fuisse, L. II. init. ait; sed quid linguarum orientalium genius ferat, videndum est.

§. VI. Accedit, quod regium filium Historiarum re^β *giarum conditor immolatum*, regem Edomitarum Amosus *combustum* לָשִׁיר in calcem affirmat. Vbi quidem necesse non est, ut cum Chaldaeo existimes, Moabitas ex his cineribus calcem confecisse, eaque domus suas in ignominiam combusti regis, infensissimique in regem Edom odii testificandi gratia obleuisse. (*) Hebraeum enim לָשִׁיר tam in calcem quam in cineres verti potest. Vnde satius videtur existimare, factam hanc combustionem in calcem fuisse, ad significandam plenariam corporis mortui destructionem; suadente id Esaia, qui c. XXXIII, 12. populos ad calcem concrematum i.e. in cineres redactum iri minatur, et moneante Kimchio ad h. l. (**). Non tamen ideo, quia et holocausta combustionem in cineres rediguntur, inferre licebit, utroque in loco eundem actum denotari. Ut enim in re ipsa nihil est pugnae, nusquam tamen legas, hostiarum destructionem sacro igne peractam, per combustionem aut לָשִׁיר aut לֵאפֶר factam, describi. Si, inquis, duo in ista ἀνθρακωδυσία concurrisse, *materiale*, i.e. combustionem, et *formale* scilicet oblationem ad placandos Deos; illud expressisse Amosum, alterum dissimulasse, non exclusisse: haud proclive est, intelligere, quomodo vates atrocitatem facinoris Moabitici exhibiturus, id, in quo minus est criminis, proferat, quod multo

(*) Chaldaei verba sunt: על האקיד ברמי מלכת ראחם וסרגון בְּיָרֵא בְּיָרֵא *Ideo quia combussit ossa regis Edom, et obduxit iis parietem domus.* Ita et R. S. Lichak, vulgo Iarchius h. l. כָּעַם אֶת כָּל חֵקֶךָ אֶת כָּל חֵקֶךָ מִלִּפְנֵי הַיָּדָיו וְעָלָם בְּקִירוֹת בֵּית וְעָלָם הַקֶּבֶר הַזֶּה אֲנִי אֶלֶם אֲדֹם בִּיד חֵקֶךָ מִלִּפְנֵי הַיָּדָיו וְעָלָם בְּקִירוֹת בֵּית וְעָלָם הַקֶּבֶר הַזֶּה אֲנִי אֶלֶם *Aliquando incidit Rex Edom in manum regis Moab, et combusserunt ossa eius, et obdlexerunt iis parietes aedium: at ultus est Deus benedictus hanc oppressionem regis, quia eum contentum tractauerant.*

(**) ופירושו לשיר שריפה גמורה עץ שבו אפילו כעצמות אפר כמו כשור וכן i. e. combustio in cinerem, denotat plenariam combustionem, eo quod ossa erant pulvis, ut accipitur Ies. 33, 12.

multo atrocius est, sileat. Nefandum est, fateor, occidere hominem, nihil minus regium, quam regiam sobolem publice cum contumelia iugulare; at si cum horrendo sacrilegio hostiae humanae conferatur, parum est; ibi in mortale genus, hic in immortalem Deum peccatur ritu ipsi naturae abominando. Humanas quippe hostias mitiores gentes semper auersatas esse tum aliunde, tum ex Curtio IV, 3, 23. de Tyriorum sacris patet. Caedem ergo et combustionem humanorum ossium taxasse Prophetam, tam horribile autem sacrum verbis celasse, quis credat? longe grauius scelus, immolationem, quis non potius eum allegaturum fuisse existimet, quam multo leuius, nempe combustionem?

γ) *Propheta de Ossibus combustis loquitur, historicus de immolata Diis victima.*

§. VII. Neque parum momenti in combustionis *Obiecto* situm est, ad astruendam utriusque loci discrepantiam. *Ossa* enim regis cuiusdam combusta leguntur in Propheta, id quod primo statim conceptu naturali veluti quadam necessariaque idea, atque adeo vulgari vñtatissimaque, de effosis cadaueris sepulti ossibus capitur. Historicus autem de homine nondum sepulto, sed ritu victimarum iam recens iugulato et protinus combusto loquitur. Frustra hic quis regeret, quod ossa latiori sensu sumpta totum cadauer per synecdochen partis pro toto significare possint, vti alias *ossibus* molliter precamur cubare, item *ossa* componi dicuntur, cum de exequiis sermo est. Nam ad tropos non temere, sed vrgente demum summa necessitate, confugere licet; et ex occidentalibus linguis non bene iudicari de orientalium genio, paulo ante dictum fuit. Excipit hic doctissimus contrariae sententiae propugnator, hocce argumentum, quod strictiorem ossium significatum vrget, leuidense admodum esse, quia Amosus neque de ossibus absque carne combustis, neque de diu ante mortuo et sepulto quicquam addat. Non enim legi (liceat hoc ad mentem eius lectoribus planiorem reddendam): *quia combusserunt ossa defuncti sepultique Edomitarum regis carne per putrefactionem nudata*. Sed quid opus erat, haec vatem addere? cum ipsum vocabulum *ossa* prima formalique notione sua haec omnia infe-

inferat. Qui enim de combustis ossibus loquentem audit, intelligit vltro; neque hominem viuum, neque funus carne integra vestitum, sed exuias putridis carnibus, tumultu erutas indicari. Imo vero, si res haec tanti esset, inuertere liceret argumentum; siquidem existimandum est, si Propheta Mesae factum intelligi voluisset, clarioribus et additamento quodam determinatis verbis illum fuisse vsurum et dicturum: *Quia ossa iugulati regis Edom nondum sepulta et cum carne combussit.* Vox enim non nisi cum a primo et proprio suo significatu recedit, restringenda et limitanda est.

§. VIII. Neque hoc etiam est praetermittendum, cui non plane nihil roboris ad demonstrandam vtriusque loci diuersitatem inest; quod ab Amoso crimen non solum enorme, sed et quodammodo inusitatae morositatis taxatum videatur fuisse. Poscit hoc collatio cum caeteris facinoribus gentium superiori capite notatis; qualia erant, Damascenorum v. 3. et Ammonitarum v. 13. in Gileaditas, Tyriorum, in foederatos inde a tempore Salomonis et Hiram Iudaeos v. 9. feritas etc.; et a Propheta analogiam istam seruata etiam hic fuisse non improbabile est. Iam vero nec *ἀνδραποδισμός* nec crudelitas in hostem captum siue necando siue cremando admissa, admodum inusitata tunc erat, vt Moabus per alterutrum enormiter et prae aliis, pro istorum quidem temporum consuetudine, peccauerit, ideoque hic *imprimis* reprehendendus minisque poenarum adeo atrocibus excipiendus esset. Nam, quod nobis quidem, mitioribus gentibus hodie horrendum dictu, horrendum auditu est, ipsi Israëlitae mores vicinorum imitati, Molecho homines immolabant, et de Tyriis idem vel ex Curtio constat IV. 3, 23. ad quem locum, quae *Raderus* habet, videre licet, ne iam alia commemorem; neque tamen cap. I. v. 9. Amosi vbi Tyrii expresse arguuntur, neque cap. II. v. 6. vbi Israëlitae, huius *ἀνδραποδισμός* mentio vlla fit. Hostem autem, qui iure belli in potestatem venit, e medio tollere, sublatum cremare, rigida ista aetate res non ita magna erat: ergo neutrum factorum Mesae in filium regium, sed aliud multo; non quidem

d) *Propheta aliquod crimen Moabitis peculiare inusitatumque taxat.*

tetrius, sed tamen inusitatus et ab omni humanitate remotus, ab Amoso Moabitis exprobratum fuisse non immerito videtur. Non enim his duobus capitibus grauiora, sed simul etiam inusitata crimina Prophetam arguere, suspicari liceat.

1) Mesa, Moabitum rex, captiuo regis Edomitici filio seruato, pacem potius sibi comparasset, quam eum obtruncasset.

§ IX. Ecquid vero, quod omnino aliquo loco habendum esse largientur aduersarii, Mesam adeo stupidum adeo vecordem fuisse credamus, ut non obsidis loco filium regis a se captum, seruaret potius quam adeo crudeliter in illum desaeuiens occideret? An ita eum iracundia et intemperie animi occoecatum putes, ut e re sibi fore non praeuideret, tam eximium futurae pacis pignus in potestate potius habere, quam insolenti isto ac temerario potius quam strenuo facto hostes multo magis exacerbare, regesque iam plus nimio infensos, ad maius odium excitare, quos seruato filio mitigare et ad opimas condiciones flectere potuisset? Hoc enim tanto nouae amicitiae, noui foederis, pignore non modo ad obliterandam veterum offensarum omniumque iniuriarum bello illatarum memoriam, verum etiam ad comparandam factis induciis honestissimam gloriosissimamque pacem vfurus erat.

Quod enim sequioribus temporibus commodum ex obsidibus, ex Demetrio Philippi Macedonis filio, et ex Antiocho nobili loco patris Antiochi Romae seruato ad Romanos Iustin. XXXII, 2. 1. Maccab. I, 11. et ex Tryphonis duobus filiis ad Ionathanum 1. Macc. XIII, 15. 16. redundabat, eodem Mesa, nisi plane desipuisset, magna sua et gentis tum salute tum gloria gaudere potuisset: obsidum enim vfum etiam tum obtinuisset non est dubium. Quae si recte expendantur, Mesae Moabitum potius, quam regis Edomitici filium fuisse obtruncatum, sacroque igni deuotum intelligetur, et, quod inde consequitur, huic Amosi loco cum isto nihil intercedere commercii facile apparebit.

2) Improbabile est, regium Edomi filium ita facile capi potuisse.

§ X. Caeterum, qui in eruptione captum a Mesa Edomitici regis filium fuisse tam confidenter asserunt, parum memores consuetudinis regum regionumque filiorum, quod pace tantorum virorum dixerim, videntur esse. Non enim ita sui solent esse prodigi, non adeo venalem manu ferunt

ferunt animam, vt ante primos ordines incedant, primoque adeo impetui erumpentis ex oppido hostis temere pateant; neque etiam hoc aut patriae aut exercitibus saluti foret; solent potius post principia stare et e loco tutiori rebus laborantibus consulere; vt siue proelio decernendum est, siue hostis intra moenia sollicitandus; nihil suo vel vitae vel libertatis periculo committant, cuius milites ciuesque omnes poenitere possit. Vnde merito iis semper curae cordique est, et merito sane, vt tutiori consistentes loco a primipilorum inuasionem securi, bellum dirigant potius quam manus ipsi conferant, iniuriisque irruptionem facientis hostilis audaciae se exponant. Hinc verosimile non videtur, regem regisque Edomi filium adeo sui fuisse negligentes, vt in principio aciei stantes primo statim manus tam paruæ impetu capi potuisset alteruter. Affirmat autem historicus, quod non parui momenti est, conatos quidem fuisse regum foederatorum aciem perfringere Moabitas, sed ipsa prima statim inuasionem repulso, se intra moenia infectis rebus recepisse: *וְלֹא יָכְלוּ* *nihil enim efficere poterant.* At non sane nihil, sed longe plurimum potuissent, si regis filium surripuissent; quam felicitatem sacer coedex sine dubio in ista rerum Moabitarum angustia ac penuria, rebusque eorum tantopere accisis, non siluisset.

§. XI. Caeterum Amos Moabitarum delictum tam grande tamque atrox verbis ita breuibus stringit, vt breuioribus non potuisset; destruit aut labefactat certe et hoc, quantumcunque initio quidem videri queat, conuenientiam vtriusque saepius commemorati loci. Si enim peccatum Moabitis hic exprobratum tam vetustum fuisset, vt ad Mesae a Ioramo fociisque Edomitibus oppugnati aetatem referendum esset, sine dubio, vtpote plerorumque animo iam iam elapsam, prolixiori quadam commemoratione indiguisset. At cum tribus saltim, quod aiunt, verbis indicet, eiusque, tanquam omnium viuæ adhuc memoriae obuerfantis, mentionem quasi obiter iniiciat: multo recentius factum, et nuper admodum perpetratum fuisse non inepte con-

n) *Factum Mesae ob vetustatem prolixioribus verbis ab Amoso recensendum fuisset.*

iicias. Si enim rem adeo vetustam, nec nisi e commentariis historicis, quorum vero, illis imprimis temporibus, plebi perraro solet esse copia, noscendam carpsisset Amosus, aut frustraneam operam adhibuisset, causam paucissimis notam agens, aut vt intelligerent auditores, clarioribus eandem expressisset coloribus, ita in exponendo tanto reatu sibi verisandum esse ratus, vt crimen commissum, quale esset, cuilibet constaret. Quis enim (nisi operam, quod sapientis non est, perditurus) scelus carpat, quod omnium memoriam ob vetustatem iam subterfugit? Factum vero Mesae et Amosi aetatem centum, et quod excurrit, annorum spatio inuicem distare, computantibus facile liquefcet. Nam conflictatum fuit cum Mesa sub ipsa regni Ioram, Israelitici regis, primordia; siquidem quinto imperii eius anno obiit Iosaphat, Iudaeorum rex, belli illius socius, 2. Reg. III. 1. VIII. 16. 17. Ioram regnat annos XII. 2. Reg. VIII. 25. Iehu successor XXVIII. 2. Reg. X. 36. Ioahas XVII. 2. Reg. XIII. 1. Ioas XVI. 2. Reg. XIII. 10. Ierobeami anno XXVII. ad gubernacula accedit Vsias, quo regnante Amos sacro munere functus est. En tibi centum integros annos, qui inter Mesam et Amosum intercefferunt. At probabile est, eum non primo statim Vsiae anno, sed paulo post, prouinciam sacram obiisse; et, si quid Rabbini, imprimis Iarchio (*) tribuimus, vigesimo ad minimum supra illum centesimum, vaticinatus est anno.

Nam

(*) Comment. ad Hof. I, 2. כְּבִיאִים כְּתֻבָּאֵי בְּיָמֵי עֲזַרְיָהוּ הָיָה יִשְׁעִיָּה עֲמוֹם וְיִרְמְיָה יִשְׁעִיָּה כְּתֻבָּא שְׁנָא' וְיִרְמְיָהוּ הִסְפִּיעַ וְגו' וְהָיוּ הָיָה יוֹם שֶׁכְּתֻבָּע עֲזַרְיָה שֶׁכָּבֵד לְהִכָּל שְׂרָעֻשׁ הַעֲלֻמִּים לְאֹרְכּוֹ וְתַחֲתוֹמִים לְבֹלְעוֹ כְּעֶשֶׂן שֶׁל עֵדֶת קִרְיַת שַׁדַּי בֶּס בְּלֻעֵן וְשִׂרְפֵּן כְּעֲמוֹם הָא' שְׁתֵּיתִים לִפְנֵי הָרָעָה i. e. Rabbini nostri dicunt: quatuor Prophetæ vaticinati sunt tempore Vsiae, Hoseas, Iesaias, Amos, Micha: Et Iesaias quidem, quia dicitur c. 6, 4. et commoti sunt postes liminum etc. et hoc factum est eo die, quo percussus est Vsias (lepra) quia intrarat in templum; quo tempore contrémuerunt superiora ad comburandum eum, et inferiora ad deglutendum eum, iuxta poenam congregationis Korachi, quorum quidam fuerunt absorpti, quidam combusti: de Amoso dicitur: eum prophetaſſe biennio ante terræ motum (eundem scilicet) c. I, 1. etc.

Nam *terrae motus*, quem biennio anteuertit Amos Cap. I. v. 1. eo tempore Palaestinam concussisse, ab iis traditur, cum Vrias rem sacram facturus in sacra adyta irrueret; a quo tempore filius eius Iotham annos tum XXV. natus 2. Chron. XXVII, 1. vicibus regiis functus legitur l. c. Cap. XXVI. 21. quem tamen ante patris XVI. annum, quo rex factus est, genitum fuisse vix credibile est.

§. XII. Vrgent alii alia, quae singula parum forte, ^{o) filium re-} cum aliis iuncta, non nihil roboris habent, neque hic pla- ^{gium Edomi-} ne sunt praetermittenda. ^{tarum non po-} Contendunt, Edomitibus neuti- ^{tuisse ab Amo-} quam ius competiisse reges sibi faciendi, sed oportuisse eos ^{so regem ap-} potius a Iudaeis, quibus tunc subiecti seruierint, accipere, ^{pellari, quia} hoc iis iure per Dauidem felicem gentis victorem ademto ^{reges a Iudaeis} 2. Sam. VIII, 14. nec tum Iosaphati tempore restituto 1. Reg. ^{acceperint,} XXII, 48. vnde consequi existimant, Edomitici regis fi- ^{quibusdam vi-} lium ab Amoso regem appellari non potuisse, vtpote nullo ^{detur.} successionis iure gaudentem, sed arbitrio Iudaici regis Patri post fata incerta admodumque dubia spe, denique surrogandum. Et quanquam non negatur, Edomitas salua subiectione, singulari victorum concessione potuisse suos e regia familia mortuis parentibus reges sufficere; quo modo ipsi etiam Iudaei Babylonico imperio subiecti, tum paulo ante captiuitatem, tum post reditum e Babylonia, suffragante tamen Babylonico et Persico, cui parebant, imperatore, principes sibi e familia Dauidica adoptabant: deficientibus tamen in Edomitibus causa eiusmodi vestigiis, specie probabilitatis non omni, hoc qualicumque manipulo contra dissentientes militari posse videtur. Porro in voce לקח quam habet historicus, et accepit filium, inuenire sibi aliquid videntur, quod in rem suam sit. Illam enim non tam de capto, et aliunde acquisito, (sic enim dicendum fuisse וילכד) quam de eo, quod iam ad manus sit, recte usurpari aiunt, atque ita a Mesa non immolatum fuisse filium alienum, quem iam denique ceperit, sed quem iam antea in potestate sua habuerit, id est, suum.

*Expenduntur
aduersario-
rum argu-
menta.*

§. XIII. Atque haec sunt, ob quae Amosi vaticinium a viris doctis paulo confidentius ad Mesae facinus trahi, videtur. Quibus, quantum opus erat, expositis, rationes ab altera parte stantes, qua oportet cum viris eruditis et praeclare meritis agi, modestia videre libet. Vbi in ipso statim limine fatentem audimus moderatissimum, nec unquam sine summa doctrinae et humanitatis laude citandum Marckium l. c. pag. 404. sub fin. *Se nullam videre necessitatem, cur verba Amosi debeamus referre ad historiam regum;* ad alteram tamen opinionem eamque priscis omnibus ignotam, quod vulgo solent felicia ingenia, propendens, affirmare non dubitat, *narrationem istam ab hac redargutione Prophetica non adeo diuersam esse, ut non commode satis de ea intelligi queat.*

*1. Iniurias post
tantum tem-
poris spatium
interiectum
non valde ad
vindictam
pellere.*

§. XIV. Primum quod eum *ad secessionem faciendam mouet, hoc est:* quod non videatur dudum mortuus rex in nupera demum inuasionem post tantam temporis moram inde ab accepta offensa interiectam, *effossus et combustus fuisse; quia recens afflictio magis, quam quae tempore oblitterata est, ad vindictam pellat.* Quod argumentum, sicut contra eos imprimis aliquid valere posset, qui Amosi dicta de illo ipso Edomitarum rege, Mesae aduersario, a quo ad incitas redactus fuit 2. Reg. III. sequioribus temporibus effossio intelligunt; nostramque proinde sententiam infra §. 18. proferendam non tangit: ita ne illos quidem magnopere offendit, quia, licet tempore oblitterata afflictio minus fortasse ad vindictam pellit, quam recens, pellit tamen, alios magis, alios minus, pro vel offensae quantitate vel offensi animi indole. Sic recentiori aetate Branchidas, gente Milesios, tunc Persiae incolas, Alexander M. direpta eorum vrbe ad vnum omnes caedi iubebat, quia ante plusquam centum annos Xerxe Graeciam vastante templum Apollini sacrum domi in Xerxis gratiam violarant. ap. Strabonem Libr. XI. p. 786. ed. Amstel. 1707.

*2. Noua facta,
ob aliquam
circumstantia
narratae di-*

§. XV. Alterum, ob quod vir eruditissimus veterum interpretum auctoritatem sibi deferendam, et Amosi locum eundem cum illo, qui in libris regum legitur, statuendum esse

esse ducit, eo redit, *quod noua facta praeter necessitatem ob aliquam circumstantiae narratae diuersitatem non sint ponenda.* non esse ponenda. Verum istud axioma, vti in hermeneuticis magni merito fit, ita an hic locum habeat, ideo haud absque ratione dubitatur, quia non sane aliquam, sed variam ingentemque circumstantiarum diuersitatem hic dari superioribus §§. probatum iuimus, adeoque nec qualiscunque, sed magna omnino necessitas est, quae mentem meditantium de duorum horum locorum conuenientia ambiguum facit, atque ab ista sententia auocat.

§. XVI. Tercio loco, illud Mesae facinus publice inque conspectu Israëlitici, Iudaici, et Edomitici exercitus editum, tantoque magis etiam publice notum, rectius inter crudelitatis argumenta poni ait, quam aliud non ita publice gestum atque notum, quale in Amosi loco supponant ii, qui ab hac sua, recentiorumque plurium interpretatione recedunt. Verum enim vero, vti combustio a Mesa facta, licet satis crudelis, satisque tum temporis, cum publice in muro perageretur, nota, vetustate tamen, et longiori temporum tractu obliterata esse potuit §. II. ita combustio alia eaque recentior, temporibusque Prophetarum propior, quid prohibet, quominus aequè publice facta et vulgo notissima esse potuerit?

§. XVII. Tandem peccatum Moabitarum, quod Propheta arguit, tale statuendum esse affirmat, quo *in Dei populum* deliquerint; id quod ex iis, quae in caeteris gentibus per totum caput primum vituperentur, non obscure colligi possit; iam vero in illo Mesae facto clarissimam in Israelem spectari iniuriam, quae in hoc constiterit, quod Edomitarum rex ob ereptum sibi atque ignobili adeo morte confectum filium offensus, irato animo a foedere et societate Israelitarum defecerit, domumque cum exercitu reuersus, felicem victoriae cursum sufflaminarit, hostique copiam vires animumque recipiendi fecerit. De qua Edomitarum in foederatos concepta indignatione, illud *hisp.*, quod super Israelem fuisse, sacra pagina 2. Reg. III. 27. asserit, interpretatur, h. s. *et Edomitae ob illatam tantam familiae suae regiae cladem*.

3. *Immolatio-nem filii regii a Mesa factam publice magis innotuisse, quam priuatam aliquam combustionem et ideo rectius inter crudelitatis argumenta a Propheta referri potuisse.*

4. *Ex hoc Mesae facto clarissime apparere iniuriam in populum Dei admissam.*

cladem in Israellem odio exarserunt ita irreconciliabili, ut ab eo facta secessione domum redirent. Quae Kimchii etiam est interpretatio in hunc locum. (*) Verum initio a viro doctissimo supponi videtur, Moabo ob illatam Israeli iniuriam, Amosum excidium minari; at quidni etiam aliud quodcunque contra aequitatem naturalem commissum scelus aequae, ac contra Israëlem perpetratum, Deum ad vindictam concitauerit? Tum, si omnino libet reatum Moabi in delicto contra populum Dei quaerere, inueniemus forte in eo, quod Edomitas effossis et combustis regiis ossibus ignominiose tractans, contra Abrahamum, communem Esau et Israelis stipitem, gentisque vtriusque autorem, atque sic contra ipsos Israelitas peccauerit, quae A. Esrae ad hunc locum coniectura est. (*) Nam hac quidem ratione multo grauius sine dubio in Israellem deliquit Moabus, quam quod secessionis Edomitarum ab Israël causa fuit. Si enim fuisset, illa sane secessio a societate belli gerendi (defecisse enim Edomum a subiectione Israëlitarum, ne ipsi quidem sententiae autores interpretantur) nec contumeliae nec damno esse potuit Israëlitis; siquidem et absque his pares esse Moabo tantopere iam fracto et debilitato, nunc poterant.

*Probabilior
sententia ex-
ponitur.*

§. XVIII. Declinatis ergo hisce tantorum aduersario-
rum telis, non tam immolatum a Mesa Moabitarum rege,
Edomitici regis filium, aut effossum combustumque ab eo-
dem, post recuperatas ab accepta clade vires illum ipsum
Edomitam, Mesae victorem, quam potius alium quendam,
Amosi

(*) Verba Kimchii sunt: וּבְקֶשֶׁת יְהוָה מִתֵּן אֶדְוֹם עַל יִשְׂרָאֵל מֵחֵם הַדָּוָר
וְהָלָא מִכֵּן שֶׁמֶלֶךְ מוֹאָב שָׂרָף אֶת בֶּן מֶלֶךְ אֶדְוֹם בְּמַלְחָמָה שֶׁהָיָה עִם עַמָּהוּ
זוֹ לִפְנֵי כֵן הִעָמַד הָאֵל יי' עַל זֶה i. e. indignatio illa orta fuit a rege Edom
aduersus Israellem, ab eo tempore et ultra, ideo quia rex Moab com-
bussit filium regis Edom in bello, quod cum eis (Israelitis) aduersus
Moabitas gesserat. Hinc etiam puniuit eum (Moabum) Deus ben-
dictus eam ob causam.

(**) Ad verba: וְהָיָה מוֹאָב כְּעַמֵּי מֶלֶךְ אֶדְוֹם לִשְׂדֵי
Combussit Moab ossa regis Edom, in contentum, cum tamen is (Edom)
esset e filiis Isaaci.

Amosi temporibus propiorem, Edomitarum regem hanc a Moabitis iniuriam retulisse remanet. Atque hoc tantum fuisse facinus existimandum est, ut merito suo acerrimam iustissimi numinis vindictam in se posceret; quod ut, quantum opus est, confirmetur, in eo nunc nostra qualiscunque versabitur industria.

§. XIX. Hic quaedam nobis dari velimus, quae haud difficulter a liberalitate humanissimi lectoris impetraturos esse confidimus. Vnum est, quod iam maiorem partem §. 17. occupauimus translegimusque, peccati huius Moabistici gravitatem atque foeditatem non necessario in iniuria aliqua contra Israëllem et Iudam esse quaerendam, sed eam in hoc haud obscure deprehendi, quod superbus hostis Edomitas ipsos, Abrahami posteros adeoque Israëlitarum ex Esauo Iacobi germano cognatos, indignissimo modo exceperit. Hos Deus ideo alibi mitius et ipse habuit, concedendo iis montana Seir, regimen non contemnendum, sed, interprete Patre Isaaco hanc felicitatem ei omine haud sinistro praedicente, diuinitus promissum Gen. XXXVII, 39, et ab aliis haberi voluit, prohibendo Israëlitas in transitu per desertum a finibus eorum. Neque enim odium Dei in Esauum ex Mal. I, 1. 2. huc allegare licebit, quia ibi non de Esauo, qualis in se est, sed qualis in relatione ad Iacobum, agitur; siquidem non, quia Iacobus magis dilectus a Deo fuit, quam Esauus, hic Dei cordi esse ita desit, ut eum ludibrio vicinorum impune exponeret, neque eius quodammodo magis quam aliarum gentium rationem haberet. Ast si hoc non placet, satis esse ad tam seueram poenam, quae ab Amoso praedicatur, Moabo diuinitus immittendam, potest, quod scelus perpetrarat Deo sua foeditate ingratum.

§. XX. Deinde dubium esse non potest, quin istis iam temporibus sepulchrorum ossa, siue ex effreni in hostes saeuendi libidine, siue etiam ex alia quacunque aequiore causa, e tumbis efferre usu obtinuerit. Iosiam enim legimus ossa profanorum tum sacrificulorum tum plebeiorum de sepulchris eruta destructo altari Bethelico imposuisse et combussisse 2. Reg. XXIII, 16. 20, nec multo post Ieremiam praedixisse, tempus affore, quo ossa regis Iudae, principum, sacerdo-

Quaedam supponuntur: a) peccatum Moabiticum potius sua foeditate, quam, quod ad Israëllem relationem habet, Deo exosum fuit.

b) ossa sepulchrorum iis iam temporibus erui non iniussitum fuisse.

cerdotum, Prophetarum et omnium incolarum Ierusalem effossa sub dio putredine consumenda sint, Cap. VIII, 1. 2. et Baruch ossibus regum et maiorum suorum e sepulchris suis eiectis ingemiscit, atque sic vaticiniis diuinis satisfactum esse non sine magno omnium moerore fatetur cap. II, 24. Hanc ipsam ob causam, teste Herodoto Lib. III. c. 16. p. 167. ed. Londin. 1689. pessime apud omnes sui temporis audiebat Cambyses; qui cadauer Amasis regis Aegypti iam de mortui e sepulchro ereptum flagris caedi, vellicari et stimulis pungi iussit. Ac recentioribus temporibus idem contigisse liquet ex Sullae facto, cui viuis hostibus illudere non sufficebat, nisi mortuorum etiam ossa e sepulcris canino more eruta in fluuium mergi iuberet, id quod Marii cadaueri factum Valerius Maximus L. IX, c. 2. scribit.

γ) In sepul-
orum ossa sae-
uire, semper
inhumanum
ac ferum fuit
habitum.

§. XXI. Tercio loco iniquum non postulabimus, si et hoc nobis rogabimus concedi, apud omnes non morationes modo sed et illas ipsas gentes, quae omnia fere naturae humanae vestigia exuerunt, semper inhumanitatis fuisse habitum, in ossa sepulcorum saeuire, et proinde Lactantium Firmianum quodam loco, l. 5. 2. non magis oratorum ritu ad rem exaggerandam composito, quam vere, scribere, nullum Caucasum, nullam Indiam, nullam Hyrcaniam tam immanes et sanguinarias bestias vnquam aluisse, quas non illi superent, qui in mortuorum saeuunt ossa; ferarum omnium rabiem vsque ad ventris satietatem furere, sedata autem ea protinus conuiescere, hos vero multum illas excedere, quoniam non tantum artus hominum dissipant, sed et ossa ipsa comminuant, et in cineres fundant, ap. Paul. Aringhum Roma subterr. T. I. cap. III. §. 10. Loquitur autem de Christianorum persecutionibus, quibus inter alia saeuitiae genera maxime solenne fuisse, sepultos de integro effodere Eusebius commemorat Libr. VIII. cap. 6. Vnde non accusandi sunt nimii rigoris istarum legum conditores, qui olim materias de sepulchris auferentes tanquam sacrilegii crimini subiiciebant. Imo proximum maiestatis crimen videbatur sepulchra violare, nec in hoste ipso tolerandum, et qui ossa extraherent, vel eruerent, humiliores si essent, summo supplicio afficiebantur,

tur, honestiores deportabantur, aut ad metalla damnabantur. vid. Iac. Gutherium de Iure manium Libr. III. cap. de sepulchro non violato, qui insertus est Graevii thesauro Antiqq. Rom. T. XII. et quos ille laudatus scriptor allegat Autôres, unde haec hausit. Et hoc erat, quod Atheniensium legati ad Aetolos querebantur, cum Philippi Macedonis factum, qui omnia simul diuina et humana iura polluens, omnia sepulchra monumentaque in finibus suis diruebat, omnium nudabat manes, nullius ossa terra tegi iubebat, detestarentur, ap. Liv. libr. XXXI. Inhumanum autem et probrosum valde esse exhumare mortuos et illorum insultare cineribus, ideo recte cum Sanctio statuitur, tum, quia honor sepulchri sunt ultima iusta naturae, quae defunctis decrevit viuorum pietas apud omnes pene gentes, tum, quia hoc est cum mortuis dimicare et eos rursus quasi interficere, tum, quia animae fit iniuria, cum eius corpus inhonestatur. Nec male iudicat, vix aliam ob causam Gentiles sepulchra dedicasse et Diis manibus inscripsisse, quam vt reuerentia Deorum violentas abigerent manus. Certe persecutores Christianorum veterum ideo apud rerum istarum scriptores pessime audiunt; quam in rem multa in Martyrologiis, ex quibus, quam impie in Martyrum non corpora modo sed et effossos cineres atque ossa saeuitum fuerit, intelligi potest, relata legimus; v.g. quae apud Sebasten Palaestinae urbem sepulchro Iohannis baptistae, iussu Iuliani principis, allatae sunt iniuriae; cuius funus rabida mente inuasum, ossa dispersa et iterum collecta, igneque cremata, cineresque eorum pulueri intermixtos per agros et rura dissipatos fuisse Rufinus hist. lib. 2. cap. 28, et Bacchanalibus sacris, mortuos de requie sepulturae auulso, dissipatos, distractos fuisse, Tertullianus auctor est. Dunani regis Homeritarum iussu in ciuitate Neagran horridae feritatis exemplo Pauli Episcopi sepulchrum effossum, illius corpus combustum et in aerem ventilatum fuisse, ita vt ne mortuis quidem, quibus omnium parcere solet impietas, tuta fuerit requies, cum multo pluribus Aringhus refert l. c. Quorsum haec? nisi vt horum testimoniis confirmem, semper inhumanitatis fuisse habitum, in sepulcorum ossa saeuire.

d) *humandi
ritus est anti-
quissimus.*

§. XXII. Neque quarto loco a materia, quae sub mani-
bus est, alienum erit, obseruare, quod, cum varii funera ho-
norandi variis aetatibus vsu obtinuerint modi, sepultura ta-
men vt ritus antiquissimus pariter ac honestissimus apud mi-
tiores gentes, vetustiores imprimis et orientem incolentes,
maxime Iudaeos, et quibus aliquod cum iis auitae disciplinae
confortium intercedebat, magno in pretio fuerit; quorsum
refero Ammonitas, Moabitas, Edomitas, Ismaelitas, qui sine
dubio sepeliendi consuetudinem e familia Lothi et Abraha-
mi auorum elatam magni fecere, et eius asseruandae tenaces
fuerunt. Equidem inficias ire non licet, apud quasdam gen-
tes, non tam sepeliri quam potius comburi defunctos in ho-
nore positum fuisse, siquidem praeter Romanos suos mor-
tuos cremasse Carthaginenses constat, Thracum item et
Indorum senes exstructis incensisque rogis mortem oppe-
tiisse, Phrygibus etiam copora igni imponere in more fuisse
notum est. Nec apud alios populos alia quoque mortuos
tractandi genera, nostris quidem moribus inhonestissima,
fuerunt inhonesta. Iberi enim vultures olim, viua defuncto-
rum sepulchra alebant, Hyrcani canes ob id dictos
sepulchrales, Parthi item honestissimam sepulturam vul-
go auium et canum laniatus putabant; quae, et plura huc
facientia diligentiae debemus Petri Morestelli, in pompa fe-
rali, Libr. X. cap. 4. et 7. et Bactrianos Onesicritus scribit
Libr. III. cap. 10. ap. Strab. l. c. p. 786. senio mor-
boue confectos canibus, inde entaphiastis et quasi Vespillonibus
dictis, adhuc viuos exponere solitos fuisse. Vt adeo hic
vel maxime valeat, quod est in prouerbio *νόμος καὶ χάρις*.
Interea tamen humo inferendi defunctos consuetudinem
vti vetustate sic honore caeteros praeciuisse, vel inde quodam-
modo patet, quod apud Iudaeos sepultura denegata poenae
et ignominiae loco fuit, id quod Ioiakimo regi ominatur
Ieremias XXII, 19.

d) *poenam ta-
men ab ossibus
etiam huma-
torum sumere
licet.*

§. XXIII. Tandem, ne nobis, ossium effossionem et
combustionem non plane illicitam esse aut prorsus culpan-
dam, obiiciatur; largimur hoc iustae in reos animaduersioni,
quod non modo sine culpa, sed et cum laude erui possint
exuiuae eorum, qui turpi vita et infausto funere, communis
matris

matris gremio excipi se indignos reddiderunt, quodque a iudice in id genus pessime meritos homines statui possint eiusmodi sententiae, qualem allegatus §. 19. Iosias non sine Numinis auctoritate in profana idololatrarum ossa statuisse in sacris commemoratur. Quod dum fit, neutiquam peccatur; iura enim nec diuina nec humana prohibent, quo minus poena promerita a demortui etiam corpore sumatur. Hoc modo Deus ipse hominis lapidibus obruti corpus per totam diem de ligno suspendi iubebat, Deut. XXI. 22. Gal. III. 13. ut spectaculo exemploque esset praetereuntibus; nec male, cum virgines Athenienses taedas exosae iugales se ipsas necarent potius, quam nuberent, et alio modo a temerario isto reique publicae exitiali consilio absterri non possent, cadauera earum abiiciebantur nuda; quod superstites, ut ad thori officium animum applicarent, tandem commouebat. Quod in totum corpus, id etiam in ossa, si aequae poscat iustitia, licebit.

§. XXIV. Atque horum momentorum, sigillatim adhuc, *Transitio ad demonstrationem.* quantum opus esse videbatur, confirmatorum, usus erit, ad demonstrandum, a Moabo in regis Edomi ossa saeuiente, maximum commissum fuisse peccatum, dignumque, cui Deus per Prophetam tantam vindictam denunciaret.

§. XXV. Primo enim dubium nullum est, quin in ipsa iuris naturae sacrosancta praecepta, quae mortuis parcere et ab eorum iniuria abstinere iubent, impetum nefando ausu fecerit. Naturalis aequitas ne in viuis quidem liuorem, et hostilem infectionem fert, aduersus eos praecipue, a quibus nihil periculi metuendum est, quanto minus aduersus mortuos, qui nocere desierunt, neque hostilitate aliquam amplius iustae vindictae speciem excusationemue relinquunt. Odium enim post fata quiescit. Atque ex eodem fonte, rectae rationis nempe dictamine, emanasse existimandum est istas leges, quibus olim a prudentioribus morum doctoribus cautum fuit, ne quid iniuriarum funera acciperent. Sanxerat dudum Chilo Lacedaemonius, τὸν τετελευτηκότα μὴ κακολογεῖν, ἀλλὰ μακαρίζειν, memorante Phil. Camerario Hor. subcis. P. I. c. 3. p. m. 45. neque per Solonis legem Graecis licuisse mortuis maledicere auctor est J. Phil. Pfeifferus Antiqq. Graec. IV. 60. p. 1787. Hoc vnde, te quaeso, hauserunt optimi isti legum conditores,

res, nisi ex interna animi conuictione, quam naturae legem appellare solemus? Quod si verbis non licet; re quanto minus licebit aggredi mortuos, imprimis tam tetra ac contumeliosa, qualis est ossium effossorum combustio? Et, si Thomam Aquinatem audire non piget l. 2. qu. 32. animam, quae adhuc in memoria uiuentium viget, apud illos infamiam quandam sempiternam eiusmodi ignominia exuuiis illata subire cogi, sane perquam indignum est; quod certo futurum esset, si corpus, cui vnita exitit, hac communi et naturali gratia, (de sepultura loquimur,) priuaretur; imprimis, quod addo, cum nescias, an non inter beatos coelites illa agat; unde tanto maior esset iniuria. Quod, ut in hac quidem regis Edomitici causa non valet, Moabitam tamen mouere potuit, de manibus regis post hanc vitam superstitibus, et, uti priscarum gentium superstitio ferebat, heroum numero inferendis, ambitiosius procul dubio sperantem. Et quod sibi post fata ab hoste fieri nolebat, hosti facere non debebat, si naturam praecipientem audire voluisset.

b) *Communem gentium in mortuos religionem transgressus est.*

§. XXVI. Quod si eum non commouebat, poterat sane communis gentium in mortuos religio, quarum nullam ita feram deprehendimus fuisse, quin eorum exuuias quodammodo sanctas, et a petulantia profani vulgi tutas esse voluerit. Hinc tam operosa circa eos condendos, vel aliis iustis modis prosequendos olim fuit tum industria tum varietas. Iusta id officiorum genus appellatum fuisse constat. Quae si iusta erant, suoque mortuis quodam iure debebantur, nihil in eos licere oportebat priuatae vindictae; et hoc quidem quodam quasi gentium consensu. Digna est, quae ad posteros transmittatur Pausaniae ad Lamponem quandam Aegineten oratio, qua ei, ut occisum in proelio Mardonium in crucem ageret, atque ita Leonidae, quem apud Thermopylas interemtum reciso capite Mardonius in crucem suspenderat, parentaret, suadenti respondit, se et patriam, si in mortuum saeuat, omni laude cariturum; barbaros enim potius quam Graecos, qui hoc in illis improbant, decere. ap. Herodot. Lib. IX. c. 78. Hic quid aliud agebat, quam quod se hanc humanitatem etiam hostibus debere, eamque adeo ad gentium ius pertinere, Lamponi regerebat? Hoc factum quanquam isto Moabitico recentius est, docet tamen quantum naturale ingenium in cognoscendis officiis assequi possit. Quod si ille manium turbator ignorauit, sua culpa ignorasse censendus est.

c) *in ipsam humanitatem deliquit.*

§. XXVII. Porro ab homine equidem alienum non est, indignari, si enim homo hominem nunquam laceffit, aequo durius accipiat, non tam probandum est, quam ob communem lapsae nostrae gentis

tis deprauationem ferendum: at ita saeuire, vt ne crypta quidem exuias hostiles furori subducere possit, id vero est, quod omnem humanitatem prorsus tollit. Tanto magis ergo auersandum est regis Moabitici in Edomiticum facinus, quo magis. peccauit in humanitatem. Haec enim auersatur illam ignobilium ferarum saeuitiam in funera debacchantem. Rectius alii, licet et ipsi religionis profanae tenebris inuoluti, quid hac in re deceret, viderunt. Alexander Darii hostis funeri illacrymabatur, et parricidam Bessum acerrime multabat. Reges enim a regibus trucidari non solent, aiebat Saladinus Turcarum Sec. XII. imperator ad Francorum regem Guidonem, praelio Hittynensi in Palaestina a se victum, inque suam potestatem redactum, sed humanissime exceptum, ap. Bohadinum in Vita eius, superiori anno e Bibliothecae Lugduno-Batauae MSS. Arabicis a celeb. Schultens edita, et in actis Erudd. Lips. mense Febr. huius anni p. 55. laudata. Recentiora haec sunt exempla; sed cur humanae indolis non eadem vis ad moderandam animorum intemperiem olim esse potuit, quae sequiori aeuo? et fuit sane, nisi violenter oppugnata ab affectuum aestu, in rudibus ingeniis succumbere coacta fuisset.

§. XXVIII. At dandum est aliquid, inquires, licentiae bellicae, vbi non omnia ad aequitatem, qualis domi et inter pacis studia observari et potest et debet, exigi possunt? Non videtur, nam bella sine legum et aequitatis cultura gesta, latrocinia sunt non bella; et si quid bello indulgere oportet, id ad militum gregariorum non facile fraenandam libidinem pertinet, non ad principis imperium, cui turpissimum esse debet aut iubere aut facere quod vel media pace censuram meretur. Impegit ergo hoc facto rex Moab etiam in ius belli. Hoc semper acquiescere iubet aut in victoria aut in captiuitate, aut morte victi hostis, longius vero progredi et ultra fata furere non finit. Bellum enim gerimus vt pacem acquiramus, quam mortui sane impedire nequeunt, hinc contra eosdem bellare neque licet, neque decet. Hinc Turnus apud Virgilium Pallantis a se occisi corpus ad eius patrem transmittens ait: Quisquis honor tumuli, quicquid solamen humandi est, largior etc. Aeneid. Libr. X.

§. XXIX. Denique Moabiticum in ossa regia crimen cum officio boni ingenuique viri stare nequit. Nam vir bonus, quod sibi non vult ni viri violari, alteri non facit. Nec fortem et probum virum decet cum latuis et umbris, quales sunt mortui, pugnare. Illiberale est hostem putare mortui corpus. Neque denique bonus vir regiam Maiestatem, quae, dum viueret, sacrosancta fuit, in morte demum violat, contumeliisque exponit; quod cum ab eo fit, qui ipse rex est, tanto indignius esse, censeretur, quanto magis quilibet tenetur sui ordinis existimationi consulere eamque tueri. v. et §. 27.

§. XXX. Apparebit ergo ex dictis, Moabitarum Regem, non quidem Mesam, cuius 2. Reg. III. mentio fit, sed alium illa recentiorum, circa Amosi tempora, Edomitum Regis, non eius omnino, qui Me-

d) in ius belli impegit.

e) officium boni viri violari.

Conclusio.

fam oppugnauerat, fid forte cuiusdam
 quam offensam ossae tumulo eruta §
 §.18. inhumano ac fero §.20. in existim
 ab exemplis quae allegari possint alien
 naturae §.24. humanitatis §.25. genti
 boni viri §.28. violasse, et propterea
 Amos minatus fuit, a Deo iustissimo


NOBILISSIMO DO
 DISSERTA
 AVCTORI ET PR
 S. P.
 P R A E



*I quod Tibi
 praestiti
 sine, illud
 obeundo
 praebet.
 mitici re
 gentiae Tibi
 fidem, qu*

*ribus annis satis mihi perspectus,
 ram, ut Tibi non sine singulari
 istum feliciter exhaustum Tibi Tibi
 tri, de Te haud sinistre sperantibus
 amicorum bonis ex animo gaudere
 solum Tibi adolescenti itineris ol
 aiunt, dux, sed et post illud temp
 egresso et ad sublimiora sapientia
 adhuc comes? Utinam plures Tibi
 praeceptoribus didicerunt, in ca
 quam feliciter priuatim profecer
 Te tum ob ingenii animique sing
 imprimis nomine praedico: ita f
 apprecor et, quod Deus faxit, c*

Postridie Iduum Febr



EDOM COMBVSTA.

e cuiusdam e successoribus, ob nouam alio
lo eruta §. 19. crimine Deo maxime exoso
in existimationem sepulti iniquissimo §. 21.
essint alienissimo §. 22. combussisse, et sic ius
§. 25. gentium §. 26. belli §. 27. officiumque
propterea merito tantam poenam, quantam
iustissimo vindice retulisse.

MO DOCTISSIMO QVE ERTATIONIS T PROPVGNATORI S. P. D. A E S E S.

*quod Tibi vnquam lubens volensque
praestiti officium, Vir Iuuenis Ornatis-
sime, illud certe est, cui hac scriptione
obeundo occasionem Tua mihi industria
praebet. Dissertationi de ossibus Edo-
mitici regis a Moabo combustis, dili-
gentiae Tuae et foetui et testi, me Prae-
sidem, qui Tuus in me inde a complu-
erspectus, est amor, elegisti. Hanc ope-
singulari voluptate loco, ita laborem
Tibi Tuisque, Optimae imprimis Ma-
sperantibus, ita gratulor, vt solent, qui
mo gaudent. Et quidni gaudeam, non
tineris olim literarii per apia, quod
illud tempus adultiori aetate, scholam
sapientiae diuinae praecepta accincto,
plures Tui essent similes, qui, quod ex
nt, in cathedram proferre auderent, vt,
a profecerit, publice constaret! Ego, vt
nique singulares dotes laudo, tum hoc
lico: ita felicem Tibi studiorum finem et
us faxit, ominari audeo. Scribebam
uum Febr. clō lccc XXXIII.*

